

Headline **SK Serdang sambut ulang tahun ke-60**  
Date **17. Jul 2008** Language **MALAY**  
Media Title **Berita Harian** Page No **21**  
Section **Pendidikan** Article Size **129** cm2  
Circulation **217920** Frequency **Daily**  
Readership **2083000** Color **Full Color**



## SK Serdang sambut ulang tahun ke-60

**K**ECEMERLANGAN akademik dan kokurikulum sesebuah sekolah berkait rapat dengan kerjasama dan kesungguhan guru, ibu bapa dan pelajar.

Tidak terkecuali, sumbangan bekas pelajar kepada sekolah lamanya yang banyak berbakti dalam membentuk sahsiah diri dan insan berjaya.

Bagi Sekolah Kebangsaan (SK) Serdang, Selangor, kepentingan kerjasama dan hubungan erat di antara pihak sekolah, ibu bapa dan bekas pelajar diperluas menerusi permuafakatan dalam membantu pelajar dan memajukan sekolah.

Justeru, tradisi sambutan ulang tahun sekolah diteruskan pada tahun ini melalui penganjuran bersama warga sekolah dan Persatuan Ibu Bapa dan Guru (PIBG).

Bertemakan *Tautan Kasih Sirih Pulang Ke Gagang*, program Sambutan 60 Tahun SK Serdang akan diadakan di

Balai Cendana, Kolej Mohamad Rashid, Universiti Putra Malaysia (UPM) pada 2 Ogos ini.

Yang Dipertua PIBG, SK Serdang, Dasrihsyah Syahril, berkata perjumpaan antara alumni, guru, ibu bapa dan pelajar adalah usaha berterusan dilaksanakan PIBG bagi merapatkan hubungan dengan mereka yang terbabit secara langsung atau tidak langsung dengan pihak sekolah.

"Program ini memfokuskan kepada usaha mengumpul seramai mungkin bekas pelajar untuk tampil menyum-

bang tenaga dan buah fikiran kepada sekolah yang pernah satu ketika dulu menjadi wadah ilmu sehingga mereka menempa kejayaan.

"Pada masa sama, program turut menggalakkan warga sekolah menggembeleng tenaga bagi membantu meningkatkan kecemerlangan sekolah terutama dari segi pencapaian akademik, sahsiah dan kokurikulum," katanya kepada *Berita Harian*.

Sambil menjelaskan program turut bermatlamat menambah dana Tabung PIBG SK Serdang, Dasrihsyah berkata, program itu akan diserikan dengan persembahan drama tari pelajar dan tayangan multimedia yang memaparkan sejarah dan kejayaan sekolah itu, selain pelancaran Kelab Alumni.

Maklumat lanjut boleh hubungi sekolah atau faks di talian 03-89486582 atau 019-3050491 (Dasrihsyah)/012-2172481 (Paiman Bawon).



*Program ini membantu meningkatkan kecemerlangan akademik sahsiah dan kokurikulum"*

**Dasrihsyah Syahril**  
Yang Dipertua PIBG,  
SK Serdang